

Landsfundur Kvinnalistsans á Lýsuhóli á Snæfellsnesi:

HREYFING Í ÁTT AÐ MIÐSTÝRINGU

Hugmyndafræði og efnahagsmál voru helstu umræðuefni landsfundar Samtaka um Kvinnalista, sem haldinn var um helgina.

Hvað mesta athygli vekur er að á fundinum var samþykkt ályktun þess efnis að endurskoða starfsreglur samtakanna og aðlaga þær breyttum aðstæðum. Í ályktuninni segir meðal annars að endurskoðunina skuli miða við það að framkvæmdaráð fái aukið vægi sem pólitískur vettvangur grasrótarinnar, samnefnari heildarsamtakanna og eigi frumkvæði að stjórn mála-umræðu og stefnumörkun milli landsfunda. Alkunnugt er að kvinnalistakonur hafa ekki viljað líta á samtökin sem stjórn mála-flokk. Þessi samþykkt landsfundarins hlýtur að fela það í sér að „hreyfingin“ færir nær því að líkjast hefðbundnu skipulagi „gömlu flokkanna“. Hingað til hefur framkvæmdaráð verið skipað fimm konum en gert er ráð fyrir að í framtíðinni verði þær ellefu, ein úr hverju kjördæmi, ein sem fulltrúi þingkvenna og tveir starfsmenn Kvinnalistsans.

Á fundi sem kvinnalistakonur héldu til að kynna fjölmiðlum niðurstöður landsfundarins kom fram að framkvæmdaráðið hefur fram að þessu aðallega sinnt málum sem snúa að rekstri Kvinnalistsans. Þessi ályktun boðar hinsvegar það að ráðið snýr sér meira að



Frá blaðamannafundi Kvinnalistsans í gær.

Tímamynd: Gunnar

pólitískri umræðu og axlar meiri ábyrgð fyrir samtökin í heild. Á fundinum sagði Ingibjörg Sólrún Gísladóttir að fundir framkvæmdaráðs væru öllum konum opnir, eins og allir fundir Kvinnalistsans, en þessi breyting væri viðbragð við því að Kvinnalistsinn færi stækkaði.

Kristín Ástgeirsdóttir hélt mjög umtalaða ræðu á landsfundi Kvinnalistsans, þar sem hún gagnrýndi nokkra þætti í vinnubrögðum samtakanna. Til dæmis sagði Kristín að Kvinnalistsinn hefði verið illa undir það búinn að taka þátt í stjórnarmyndunarviðræðunum í haust. Ástæða þess væri sú að þær

hefðu eytt sumrinu í ferðalög, farið á kvennaráðstefnu og kynnt Kvinnalistsann erlendis en ekki unnið að undirbúningi þess sem koma skyldi.

Varðandi stjórnarmyndunarviðræðurnar nefndi Kristín einnig að hennar mat væri það að samtökin hefðu farið illa út úr því máli hvað almenning varðaði og nauðsynlegt væri að gera verulegt átak í því að sýna fram á að ekki hafi verið um kjarkleysi eða andúð á því að taka þátt í ríkisstjórnun. Heldur hafi pólitískt mat ráðið úrslitum og það viðhorf að ekki væri hægt að hvika frá grundvallarprinsippum.

ssh